

Balikukalan baarakçda

Bamakö B.P. 62

Bani *μ*εγεμα

1989

GAFE KONO KUMAW

dantiḡelli

1. rjanaw wale yòrò
2. nyènéma bóra jòn ni jòn na ?
3. nyènéma denmisenma
4. nyènéma ye cé minénw ta
5. nyènéma ye muso furu
6. jinémuso miniyar
7. muso ni janfa.
8. ko jugu dabóra
9. jiné ni sinaya

DANTIGELI

mogò tã tògò sòrò gansan. tògò bẽ san da, tògò tã karaba.
donso ka ca, nika bani nyenema nyogon ma da, wa a nyogon tã da tugu
tugun. ne kan tã, min bẽ nyenema don i ko a tãgẽ ci, o de kan don. ngaman
waraba kan don, ngaman dankelan kan don, bantoma sanogò kan don, ban-
toma min, n'a kulola, donso kamalenw bẽ carin kungo kolon faantan ban-
tan nyefẽ, i n'a fò falaw.

nin maana in bẽ nyenema ka kelenw de fò, bamananw
yerẽ ko : kã ko de ye fò ko ye. o tuma, zanbilẽ den ni nyeba den ye mun
kã ? ala de ni donsoya wolola. donso don kabi a bilakrolama : so kofẽ basaw
ni ntufaninw bẽe y'o don. kabi a sen donna kulusi la, kungo sogow girina,
kungo sogow hamina, kungo sogow nyanina, kungo sogow fiyefiyera, i n'a
fò fala.

bani nyenema ye mun kã tugun ? nyenema kera sabulafẽn
ye ! ka jinẽ donso faga ka jinẽmuso furu ! jaa nyenema ka kulusi y'a labò
koyi. nka sãsa de bẽ ko bẽe la. ala ma an sabu nyena !

ngaman cẽ kelen, e min bẽ maana donkili da, ni sebenni tã
sẽ k'i kuma kan ladegẽ, e ko cogo di ? bani nyenema ye mun k'i la ? sabu ni
bonẽ ye mun k'i la ? nẽronkcia ye mun k'i la ? kunba cibaa ni dabs farabaa
ye mun k'i la sa ? ngaman waraba, ngaman dankelan, e ko cogo di ? an b'i
lamen.


DANTIGELI

mogò tã tògò sòrò gansan. tògò bẽ san da, tògò tã karaba.
donso ka ca, nika bani nyenema nyogon ma da, wa a nyogon tã da tugu
tugun. ne kan tã, min bẽ nyenema don i ko a tãgẽ ci, o de kan don. ngaman
waraba kan don, ngaman dankelan kan don, bantoma sanogò kan don, ban-
toma min, n'a kulola, donso kamalenw bẽ carin kungo kolon faantan ban-
tan nyefẽ, i n'a fò falaw.

nin maana in bẽ nyenema ka kelenw de fò, bamananw
yerẽ ko : kã ko de ye fò ko ye. o tuma, zanbilẽ den ni nyeba den ye mun
kã ? ala de ni donsoya wolola. donso don kabi a bilakrolama : so kofẽ basaw
ni ntufaninw bẽe y'o don. kabi a sen donna kulusi la, kungo sogow girina,
kungo sogow hamina, kungo sogow nyanina, kungo sogow fiyefiyera, i n'a
fò fala.

bani nyenema ye mun kã tugun ? nyenema kera sabulafẽn
ye ! ka jinẽ donso faga ka jinẽmuso furu ! jaa nyenema ka kulusi y'a labò
koyi. nka sãsa de bẽ ko bẽe la. ala ma an sabu nyena !

ngaman cẽ kelen, e min bẽ maana donkili da, ni sebenni tã
sẽ k'i kuma kan ladegẽ, e ko cogo di ? bani nyenema ye mun k'i la ? sabu ni
bonẽ ye mun k'i la ? nẽronkcia ye mun k'i la ? kunba cibaa ni dabs farabaa
ye mun k'i la sa ? ngaman waraba, ngaman dankelan, e ko cogo di ? an b'i
lamen.



1. NANAWWELE YORO.

an bi dóoni, fò, ka dóoni to an kónò :
anw ni nyénéma-minéw té wa ?
anw ni dankórobaw bé nyòon na :
 janginé jara wula !
 o ye nyénéma-miné ye .
 a' y'a tulo kérébòsigi .
an bi dóoni fò, ka dóoni to an kónò.
nyénéma-minéw, ne nana bò a' ye so,
n'té fara ko la,

ee, nyénéma-minéw, ne nana bò a' ye.
 n'té fara ko la.

ne nana bò-a' ye so, kaba ko !
donsoden kamalenw na sogo ban so ni kungo eé !
nyénéma-minéw, ne nana bò a' ye so.
 n'té fara ko la.

nyénéma-minéw, ne nana bò a' ye.
wula jan na manyuma ko té ban,
ne nana bò a' ye so.
donsoden kamalenw na sogo ban so ni kungo eé !

minnaa lamine ni kóngò lamine !
a' l'a wèteré dinyé maa !
e, donsow taara miani ?
ne ko donsow taara minni ?
ee, janginé wula !
ne nana bò a' ye,
sabu ni bònè, nòrònkola,
segu donda naani,
ani bòda naani.
ne k'ee, janginé wula !

janginé jara wula !
i ha wolola den nyénéma la.
i na donso nyoon bó an ye.
nyénéma-minéw donso nyoon bó an ye,
e de ye maa wéré nyoon bó an ye.
magan tun ye donso ye,
o tun ye nyénéma-miné y'an bolo.
janginé na magan nyoon bó an ye,
fuladen magan nyoon bó an ye,
magan y'i da jigin so ni tila bon cé,

a'cua b'an bolo.
e janginé wula !
i tulo kérébósigi dé,
fo yan, fo segu naani,
minnaa laminé, kaba ko !
maa nyuman juayara an bolo.
an bi nyénéma-minéw bila nyoon na,
ni k'u bó nyoon na.
jónni ye nyénéma-miné y'an bolo ?
bani nyénéma, o tun ye nyénéma-miné y'an bolo.

e, nyanan tununna an bolo,
janginé ka nyénéma nyoon bó an ye,
bani nyénéma nyoon b'an ye,
o taar'i da jiginso ni tila so cé.
sabu ni bóné, nórónkóla,
donso nyuman banna an bolo.

jónni ye nyénéma-miné y'an bolo ?
jala siriman tununna an na,
o tun ye nyénéma-miné y'an bolo.
e, janginé wula !

i na siriman nyoon bó an ye.
faliké modén wula !
amadu den té wa,
sabu ni bóné, nórónkóla,
e ni sogow bé nyoon na.
minnaa laminé ni kóngò laminé,
an ye sogo kéme caman dun i bolo.
ké ko de ye fò ko ye,
ne b'a sébé fò.

i wolola sabulafén na.
 maa min ma wolo donso la,
 i ma wolo sabulafén na.
 sabu ni boné, nórónkòla .
 dugu cilen kèmén kun
 maa wolola, maa tilala, kelen t'a ye.
 jaa, jaa, misi bannen té fulakan mèn.
 janginé ye donso ye,
 o kéra nyénéma-miné y'an bolo.
 sogo ! hum !

nyénéma-minéw, ne nana bó a' ye so,
 n'té fara ko la.
 nyénéma-minéw, ne nana bó a' ye.
 wula jan na manyuma ko té ban,
 ne nana bó a' ye so.
 donso den kamalen na sogo ban so ni kungo cé.
 o, mó, mó, mó, a' ye wuluw wéle an ye,
 a' ye wuluw wéle an ye,
 wuluw wéle ko bé kungo taa diya,
 a' ye wuluw su an nyé.

wuluw su ko bé wuluw farinya an bolo,
 wuluw su ko bé wuluw kolonya an bolo:
 sagon-su-la, nyénéma-miné,
 jónni ye donso ye ?
 janginé ye donso ye,
 bi don kibarú ?
 a k'ée, kaba ko !
 n'bi donsow bila nyóon na,
 n'bi donsow bó nyóon na.
 n'a fóre qansamanama, o ni qanaden té kelen ye.


sabu ni boné, nórónkòla .
 kunba cibaa, daba farabaa,
 kunba tigébaa, an bé n'i ye ;
 joli kéné woyobaa, an bé n'i ye ;
 sòn kéné nibaa, an bé n'i ye ;
 furu kan kén nibaa, an bé n'i ye ;
 woro kéné nibaa, an bé n'i ye ;
 wolo kéné nibaa, an bé n'i ye.
 anw bé donsow bila nyóon na,
 ni ka donsow bó nyóon na.

nyénéma-miné donso, an bé n'i ye,
sabu ni boné, nórónkòla !
kolonkolon kaba ni kabamisen mógómógó,
tórómójò saba siri mugu
kolonkolon kaba siri négè,
tórómójò saba siri mugu.
jónni ye donso ye?
janiginé ye donso ye,
e kéra nyénéma-miné y'an bolo.
sabu ni boné, nórónkòla ,
sogow ye mun k'i la?

sogo den n'a ba farabaa,
kunba gélén kélé ni daba gélén kélé,
sogow ye mun k'i la?
ooo, soro bilen!
sogo! hi!

nyénéma-minéw, ne nana bó a'ye,
ooo, n'té fara ko la,
nyénéma-minéw, ne nana bó a'ye,
wula jan na manyuma ko té ban,

ne nana bó a'ye,ooo!
donsoden kamalenw na sogo ban so ni kungo cé,
nyénéma-minéw, ne nana bó a'ye so.
n'té fara ko la.
nyénéma-minéw, ne nana bó a'ye
wula jan na manyuma ko té ban,
ne nana bó a'ye so.
donsoden kamalenw na sogo ban an ni kungo cé.



nin ye nyénéma ye.
wa, a ye, nyanan yo, jiné bilen !

nin ye nyénéma ye, bani nyénéma ye.
wa, a ye nyanan ye, jiné bilen !
iyo, fén wéré foli ma to.
donsomucow ye ka ntumu dun,
k'o ye sogo ye.

nin ye nyénéma ye,
wa, a ye, nyanan yo, jiné bilen !
nín ye nyénéma ye, bani nyénéma ye,
wa, a ye, nyanan yo, jiné bilen !
o mó mó mó !

a' y'a tulo kérébòsigi :
an ni nyénéma bé nyoon na,
bani nyénéma bé nyoon na.
a y'a tulo kérébòsigi :

ké ko de ye fò ko ye,
nyanan nyoon ma da donso la,
wa, a nyoon té da tun.
bani nyénéma, sabu ni bôné, nórónkola !
mawula !
kulukun-miné ni jékun-miné .

a baba tun ye zambilan ye,
zambilan den nyénéma,
ee, zambilan wolola,
a wolofa fén nyénéma la.
a ba tun ye nyeba ye,

nyeba den nyénéma,
zanbilan den nyénéma
sabu ni boné nórónkola !
kunba cibaa, daba farabaa !
kabi nyénama wolola,

a n'a nakan wolola.
sabu ni boné, nórónkola !
kabi nyénéma wolola,
a n'a nakan wolola.
ee, banirikonò !

zanbilan den nyénéma,
an bi dóoni fò, ka dóoni to an kòno.
nyénéma nyóon ma da donso la,
wa, a nyóon té da tun.

o mó, mó, mó,

nyénéma wula !
kabi nyanan wolola,
sabu ni boné, nórónkola !
n'k'a fóra zanbilan ye,
k'ée, zanbilan wula !
i bina muso kelen furu,
i ti foyi wolo,
i ti foyi wolo denké kelen kò.
kórón ni tilebin,
banin ni baba,

bée n'o denké kelen cua mén.
sabu ni boné, nórónkola !
minnaa laminé ni kóngò laminé !
a ye nyeba furu,
a ye nyeba furu,
sabu ni boné nórónkola !
nyeba jòlen fil'i kòró.
sagon-su-la, nyénéma-miné,
kotonkolon kaba, kaba misen mógómógó.
a ye nyeba furu,

a ye nyeba furu,
sabu ni boné, nórónkola !



NAKAN .

nyeba jolen fil'i korò,
o ye nyénéma wolo.
an bi dóoni fò, ka dóoni to an kónò :
o ye nyanan wolo,
nyanan nana wolo,
nyanan nana gunuma.
a gunumana tuma minna,
nyénéma nana taama.

nyénéma taamana tuma minna,
a n'a nakan bé nyoon na,
a ni shéninw bé nyoon na,
berakenin b'a bolo,
a ni shéninw bé nyoon na.
e, nyénéma wula !
a ba nan'i kan to :
a ko ée, maké !
nin ye mun si den ye ?
a malo ka dogò,

a siri tigé'n bé ,
a bina shéninw ban an bolo.
a ni shéninw bé nyoon na,
kabi nyanan taamana,
a ni shéninw bé nyoon na.
a baba nan'i kan to,
a baba nan'i kan to,
n'o ye zanbilén ye :
a k'éé, sabali ! e t'a si dón.
sabu ni boné, nòrònkola !

ne zambilen , e nyeba,
an tina foyi wolo nyenema kalan ko.
a k'o fora n'ye.
sagon-su-la, nyenema-miné,
k'a bi ké donso ye.
wa, n'a ni sheninw ma ké nyoon na,
kor'a nakan ye donsoya ye ?
i té sabali wa ?
wa, bee n'i nakan bé nyoon na.
nyenema n'a nakan bé nyoon na.

ee, nyenema wula !
a nyoon ma da donso la,
wa, a nyoon té da tun.
ee, karamogow wula !
a' y'a' tulo kerébosiigi :
sabu ni boné, noronkola !
an bi nyanan dboni fo,
ka dboni fo, ka dboni to an koné.
a' y'a' tulo kerébosiigi jona :
maa min donna kalan na,

n'i ma kalan miné,
o na k'i da kuma jugu ye.
sabu ni boné, noronkola !
nyenema nyoon ma da donso la,
wa, a nyoon té da tun.
a ni baninw bé nyoon na.
dugutigi nan'i kan to :
a k'ee, zambilen wula !
kangari da nyenema ye,
a n'an ka sheninw bé nyoon na,

a tila' n bé tun,
a n'an ka baninw bé nyoon na.
nyanan ye mun ye ?
a wolola, maa wéré wolola koyi !
zambilen nan'i kanto :
a k'ee, nin té baasi ye,
ne se t'a la koyi :
wulu n'a tigi, u je té kalajuguya ye.
maa bi den wolo, nk'i se t'a la.
ni n'tina juru sir'a la...

a k'és, nyanan wula, i té sabali wa ?

nyanan nan'i kan to :

e, baba wula !

e, baba wula !

n'té sabali.

sagon-su-la, nyénéma-miné,
hawuru nama, biran-fana-donso !

bée n'i nakan bē nyòon na.

a baba nan'i kan to :

ee, nyénéma wula, i tun ye sabali !

a farala shéninw fana na.

bilakoroninw de y'a négén,

dugu kónò bilakoroninw,

k'an ka taa basa foro la.

sagon-su-la, nyénéma-miné,

an ka shéninw to so kónò,

an ka baninw to so kónò,

an ka taa basa foro la.

a' l'a wété dinyé maa :

nyénéma nan'i kan to :

o té baasi ye.

a ni bilakoroninw, u tun maa taa basa foro,

bilakoroninw bée lajelen, dugu kónò,

n'u ye basa tan faa,

sabu ni boné, nórónkòla,

nyénéma kelen bi mugan ké !

o, so yayo !

o, nyanan nyòon ma da,

a nyòon ma da donso la,

wa, a nyòon té da tun.

nyénéma ye donso ye,

e, baniakónò !

zambilen den nyénéma ,

nyaba den nyénéma,

sagon-su-la, nyénéma-miné,

lahilahilala ! mamadarasurula !

nin bée de y'i ka moriya ye.

mori maa maa min kalen don kelen na,

n'i m'a kalan miné,

o na k'i da kuma jugu ye.

tasuma filé, sogo té n'bolo.



wa, ne malola, n'saarnéna,
ne kéra cuatigi ye,
ne kéra cun caman tigi ye.
nyiné kónóma, jakuma kónóma bé,
sogonin kónóma, donso muso kónóma bé.
ni dó ma wolo joona,
dó na ké dó ka kéléksié ji ye.
ngerenge kun bilen t'a majigin.
an taa nyón fé bé nkaion kóróbó.

nyénéma ye donso ye.

hi, sogo !
ee, nyénéma wula !
ee, nyanan wula !
sabu ni bôná, nòrònkola,
nyénéma tun ye donso ye,
a nyón ma da donso la,
wa, a nyón té da tun.

4. NYENEMA YE CE MINENW TA.

ka'ò kára tuma minna,
nyénéma bolokolen fil'i kòrò,

asbu zi bònè, nòrònkola !
a baba nan'i kan to :
nyénéma bí kè donso ye.
matifa sannen fil'i kòrò,
lotijan sannen fil'i kòrò,
kanitòn sannen fil'i kòrò,
o bés ye marifa ye.
sumè sannen fil'i kòrò,
nin bés ye marifa ye.
a baba y'o san joona,

ni k'o di nyénéma ma.
nyénéma kára donso ye.
asbu ni bònè, nòrònkola !
hèè, da-don-n'kan !
a n'a nakan bé nyòon na,
nyénéma ye donso ye,
minna-laminé , e, nyénéma wula !
n'holo fila jòlen bés k'i ye.
e nyòon ma da donso la,
wa, i nyòon té da tun.
firu kan kén níbaa tununna an na,
woro kéné níbaa tununna an na,
joli kéné bònbaa tununna an na.
són kéné níbaa tununna an na.
nyénéma ye donso ye,
e nyénéma wula !

sabu ni bònè, nòrònkola !
éé, dadonkan !
a n'a nakan bè nyòon na,
a ye wolomasiri kónòma bolokóni fila.

a y'a ka mugu gale ye dèrè,
a' ma bugunye dòn wa ?
ntufaninw ba bugunye,
a bé banan bolo la,
a y'o nyuari, k'o nyuari;
a y'o nyuari, k'o nyuari,
ka t'i konkoron i ko nyamakòrò ladòn,
ka wolomasiri èè k'a banba,
k'i holo bila ntòngòli la,
jacakuru èjugu munumuna,

wuro ye woloso tulon kè,
tulo ni kérébo kéléla,
nyèbérébo èjugu wulila balaw !
ne nyè m'a ye,
n'tulo m'a mén,
kisèw bi woyiyo ta.
n'ka kisèw taa kan f'aw ye wa ?
ko woyiyo, kisèw ko woyi, an b'i dun !
e, nyénéma wula !
ntufanin y'i finifana

kan'i kè duguma kónkólòn !
e, nyénéma wula !
nyénéma kéra donso ye,
kunba eiba, daba farabaa,
woroninw ba worokiya,
a y'o bila sunaa na, sunaa kununbali
nyénéma kéra donso ye.
kamitw ba nanzan,
a y'o bila sunaa na, sunaa kununbali !
nyénéma kéra donso ye.

hali digon kòròw ba cèfinba,
a y'o bila sunaa na, sunaa kununbali !
nyénéma kéra donso ye.
kòròw ba araba,
a y'o bila sunaa na, sunaa kununbali !
nyénéma kéra donso ye.
sabu ni bònè, nòrònkola !

kònyinèw ba bintufuné,
a y'o bila sunaa na, sunaa kununbali !
nyénéma kéra donso ye.

minankolonw ba ténénjé,
a y'o bila sunaa na, sunaa kununbali !
nyénéma kéra donso ye.

kònkòrónw ba karajigé,
a y'o bila sunaa na, sunaa kununbali !
nyénéma kéra donso ye.

balaninw ba nyaalen,
a y'o bila sunaa na, sunaa kununbali !
nyénéma kéra donso ye.
dajéw ba najé,

a y'o bila sunaa na, sunaa kununbali !
nyénéma kéra donso ye.

tinbaw ba buguzi,
a y'o bila sunaa na, sunaa kununbali !
nyénéma kéra donso ye.

warabilenw ba maladò,
a y'o bila sunaa na, sunaa kununbali !
nyénéma kéra donso ye.
a nyòon ma da donso la,
wa, a nyòon tē da tun.

jakumawaraw ba arantu,
a y'o bila sunaa na, sunaa kununbali !
nyénéma kéra donso ye.
a nyòon ma da donso la,
wa, a nyòon tē da tun.

nyénéma kéra donso ye.
a baba nan'i kan to :
e nyénéma wula !
e sera muso furu ye,
a k'ée, baba wula !

na ma se muso furu ye.
a k'ée, n'e ma muso furu,
donsoya bi n'i mago sa koyi.
sogo faa caya n'be.
sabu ni boga, noronkola,
n'bi muso nyini i ye.
o taara kamalenmusonin nyini

nyénéma benna la, ko nyaalen,
o cua tun ye ko nyaalen.
minnaa-laminé, kóngò - laminé,

ne k'ee nyaalen wula !
a tun ka jé fula ye ni su kelen ye,
o tun ye muso nyuman ye.
sagon-su-la ni nyénéma-miné !
hawuru nama, biran-fana-donso !
nyaalen tun cékanyi déré,
maa dô cékanyi , déré t'i la.
nyaalen tun cé ka nyi déré !
maa dô cékanyi , i té njege .
nyaalen tun bé njege !

nka nyénéma yéré tun bé njege !
kémènkòró dila ko nyuman !
nyénéma kéra donso ye.
kab'o kéra tuma minna,
o y'a sòró nyaalen kuwa'n bé.
sabu ni bòné, nòròn-ko-la !
danbilén nan'i kan to :
a k'ée, nyeba wula !
a k'ée, nyeba wula !
nyénéma sera muso furu ye ,

n'bina taa a ka kònyò duwa miné jòona,
nyénéma sera muso furu ye .
ne ko ée , ne maa dinyé to,
nyénéma tina furu ké,
a bina i bée di donsoya ma,
o y'an ka hulón da tugulén ye.
fura wéré té cé la fo wolodén.
ne b'a fé nyénéma ka si to,
ne si ye nyénéma ye,

nyénéma yéré ka si to.
sabu ni bòné, nòrònkòla !
n'bina taa a ka kònyò duwa miné jòona.
a baba wulilén fil'i kòró,
n'o ye zambilén ye,
o taara nyénéma benna na.



5 . NYANEMA YE MUSO FURU .

minnaa - laminé , kabako !
kònyò duwa tigélen fil'i kòrò.
o don sera tuma min na,
kònyòmuso nalen fil'i kòrò.

nyénéma ye nyaalen furu.
a y'a furu tuma min na,
a k'èe, kabako !
nyénéma tun tè muso si dòn,
kab'a ye nyanlen furu,
o de y'a to, anw ko donso ni muso nyuman,
f'a bi mugamuga.
nyénéma tun tè muso si dòn,
kab'a ye nyaalen furu,
nyénéma nan'i kanto :

a k'èe, kaba ko !
ne b'a dafa fila la.
sagon-su-la, nyénéma-miné,
n'bi muso dafa fila la,
n'o tè, mone don'n bé n'na,
mone don'n bé n'na.
o so yayo, karangali !
nyénéma kera donso ye.
nyénéma nan'i kan to :
a k'èe, nyaalen wula !

n'bi t'i ka na sogo faa joona,
kònyòmuso kura sogo.
a y'i bugubugu, i ko fiyenbere
a ye wula lókun taama,

a y'a taama, k'a taama,
dajéw ba najé, a' ma najé dòn wa ?
sabu ni bònè, nòrònkola !
kabi nyènéma wulila jona,
n'a ye furancè miné.

kòno kulola nyènéma la,
konkanko kòno kulola nyènéma la.
sabu ni bònè, nòrònkola !
sagon-su-la, nyènéma-miné,
hawuru nama, biran-fana-donso !
n'bi kòno kulo kan f'a' ye dònì,
o tè maana tinyé an bolo.
hawuru nama, biran-fana-donso !
ee, nègèshiyén wula !
an ka kòno kulo kan fò dònì,

o tè mana tinyé an bolo :
kòno ko konkanko,
kòno ko konkanko,
konkanko kòno ko, ko b'i nyé.
kòno ko konkanko !
konkanko kòno ko, ko b'i nyé.
minnaa-laminé ni kòngò-laminé !
kòno y'i finifana,
kan'í kè duguma gòngòlòn !
kòno jalen fil'a' kòrò !

nyènéma nan'í kan to :
ne k'e kòno wula !
e bònèna i ni na gansan,
n'ti siran !
hawuru nama, biran-fana-donso !
si té ne kunkolo la, n'o bi cé.
n'kunmasi té cé.
sagon-su-la ni nyènéma-miné,
a ye wula lókun taama,
a y'a taama, k'a taama,

a tilenna k'a yala.
dajéw ba najé,
sagon-su-la ni nyènéma-miné,
tile bina nenyéya,
minnaa-laminé ni kòngò-laminé,
dajéw ba najé,

sagon-su-la ni nyénéma-miné,
tile bina gényéya,
minnaa-laminé ni kóngò-laminé,
dajéw ba najé,
sira kelennabila té wa,
a y'o nyuari, k'o nyuari,
a y'o nyuari, k'o nyuari,
ka t'i konkoron, ko nyamakoró ladón,

k'a kumbere ngorongokunkolo,
ka kelen dankalankunkolo,
k'a nyé kelen sógóma tile, k'a kelen wula tile,
ka wolomasiri cé k'a banba,
k'i bolo bila ntónkóli la.
jarekuru céjugu munumunna,
wuro ye woloso tulon ké,
tulo ni kérébo kéléla,
nyábérébo céjugu wulila balaw !
ne nyé m'a ye,

n' tulo m'a mén.
kiséw bé kulo sa wa !
n'ka kiséw taa kan f'a' ye wa ?
woyiyo, kiséw ko woyi, an b'i dun !
o mò ! mò ! mò !
fo k'o sen naani sin njala la !
ka dajé sen naani sin njala la !
a y'o tontan i ko kólò,
k'a kanba tigé faari !
joliba woyora i ko kólóbaji.

sabu ni bònè, an b'i dun . !
a ye kuba tigé faari !
a ye so yan fan sègèrè.
a ye so yan fan sègèrè,
e, nyénéma wula !
ka taa a ka kònyòmuso bisimila,
sagon-su-la ni nyénéma-miné,
ni dajé sogo ye.
nyénéma ye donso ye.
kab'o o kéra tuma minna,

a nana muso wéré furu, kamalenmuso !
o bolila nyénéma fé,
sabu ni bònè, nòronkola !

ko cénin cé ka nyi, a bè njéga !
fa m'ò nyini, ba m'ò nyini, ko kamalenmuso .
nyénéma ye donso ye.
kab'ò kéra tuma mín na,
a n'a nakan bi nyòon na.
kumba gèlèn kélè ni daba gèlèn kélè !
a ye kamalenmuso furu.

nyénéma nan'í kan to :
a'í'a wétéré dinyé maa
na y'í korómuso furu,
n'ye dajé kelen bila o ye,
n'fina taa yaala,
ka taa i ka dajé faa jooona,
nin kan'í fana jooona.



6. JINEMUSO MINIVAN.

wétéré dinyé maa !
a ye wula lókun taama.
mawulè, kulu - kun - minè ni jé-kun-minè,
a ye wula lókun taama, nin k'a taama.

kòno kulola nyénéma na dewu !
konkanko kòno kulola nyénéma na dewu !

n'bi kòno kulo kan f'a' ye,
o té maana tinyé an bolo.

a ye juruw nyaami :

hi ! sogo !

kòno ko ko konkanko,

kòno ko ko konkanko,

ko b'i nyé.

kòno ko ko konkanko,

kòno ko ko konkanko,

ko b'i nyé.

o mó, mó, mó !

سابو نى بونه، نورونكولا !

kunba gélén ani daba gélén kélé !

hawuru nama, bíran-fana-dónso !

julakolon kélé ni kannakolon kélé !

saba yeha balo man di.

kab'o kéré tuma minna,

kòno y'i finifana,

kan'i ké duguma góngólón !

kòno jalen fil'i kòro.

a ko : ko b'i nyé koyi !

nyénéma k'o té baasi ye, o té jugurnan ye,

ne nakun ko ye ko ye.

a ye wula kòkun taama,
nyénéma tiléna ka yala,
a ma sogo ye,
a ma kónó ye,
a ma wara ye,

hali a ma sa ye,
a ma foyi foyi ye,
sabu ni bònè, nòrònkola,
konkanko kelen,
o kulola nyénéma na.
a kónó ganna, a ma fén goni dun.
tíle ganna tuma minna,
a bé wula kónó, fugaba jalo,
o y'a sòró a taara fo fugaba jalo.
nyénéma ye donso ye.
a' y'a tulo kérébo sigi :
karamókò de y'a fò n'ye,
a maa ké nkalon ye,
buguri ka nkalon té wa ?
a maa ké nkalon ye,
tanba, i ka nkalon té wa ?
a maa ké nkalon ye,
soma céma, o ka nkalon té wa ?

sagon-su-la ni nyénéma-miné,
kumba gélén ni daba gélén kalé !
nyénéma kónó ganna, a ma fén goni dun.
a taara fugaba jabo.
ntomi sunni dó bé yenninó,
tonkun biléni b'o ju fé.
a'f'a wátaré dinyé maa :
tíle gannen bé,
nyénéma taar'i sigi kéléw !
a ko éé ! kaba ko !

o mó, mó, mó ! kaba ko !
a' ye wuluw wele an ye,
n'y'a fò a' ka wuluw wele an ye,
nin ye kaba ko ye,
ka tilen ka yala n'na sogo ye.
ne nyénéma,

ne nyónna donso farin !
ságonsula ni nyénémazíné ,
éé ! na n'ka tilé don ntominin kórò .
a ye tilé don ntominin kórò .

jaa, o y'a sòrò, kaba ko !
jinémuso miníyan,
jinémuso miníyan,
o bé ntominin sanfé .
jinémuso miníyan,
o bé ntominin sanfé .
nyénéma ségèn yòrò taata bèn n'olu ka so ye,
ntominin kórò .
yénéma y'í sígí,
k'a b'a ségèn nafínyébo .

éé, ko juú de bina dabò :
jinémuso miníyan,
miníyan nan'í kan to :
é, nyénéma wula,
e nyé bé ne na wa ?
nyénéma y'a kòfilé kalawu !
a ko : e, nyénéma wula,
e nyé bé ne na wa ?
nyénéma ye kéréda filé kalaw !
a ma maa ye .

a kónò ganna, a ma fén goni dun .
nyénéma nan'í kan to :
hali a maa ké jíné ye,
ne ti siran !
sabu ní bóné, nórónkola !
n'ti siran foyi nyé,
n'filé !
jinémuso miníyan,
miníyan nan'í kan to :
e, nyénéma wula !

e nyé té ne na ?
a ko : n'nyé t'í la .
a ko : wa, i bolo yanga .
a y'a bolo yanga .
éé, a ye sira mugunin ton'a tégè toloyi !
a ko : da jí tu o la jóna,
i k'í nyéda barala saalo .

jiné ni maa man kan.
a y'a nyéda barala saalo,
siri farala ka bò nyénéma ni jinémuso miníyan cé.

éee, a ni sanu taafew bé nyóon na,
a ni sanu duloki bé nyóon na,
a ni sanu musoró bé nyóon na.
sabu ni boné, nórónkola,
kunba gélen ni daba gélen kélé,
maa wofola, maa tilala, keien t' a ' ye
a ni sanu musoró bé nyóon na,
jinémuso miníyan,
miníyan nan' i kan to :
sabu ni boné, nórón-ko-la,

éee, nyénéma wula !
éee, nyénéma wula !
ne hi k'e muso ye,
ka taa so yan fan.



sabu ni bôné, nórónkòla ,
kunba gèlèn kèlé , ni daba gèlèn kèlé ,
e nyòonna donso kènin cènyi,
ne bi k'í muso ye,
ka taa so yanfan
sabu ni bôné, nórónkòla !

kab'ò kèra tuma min na ,
a' l'a wèlé dinyé maa :
ee, nyénéma yéréyéréla, i ko ntílèku tama.
a k'ée, muso wula, jinémuso wula,
kana n'hégén dé.
a k'ée, n't'í négén dé.
nka ne cé ye donso farin ye dé,
jiné donso.
ne cé ye donso farin ye,
jiné donso.

nka, nyama daa bé yenninó,
n'í ye ko ko saba dafa,
ese, nyénéma wula !
sabu ni bôné, nórónkòla ,
n'í ni ne cé ye nyòon sòrò,
i b'a bila sunaa na, sunaa kununbali,
k'a ka donso npogo kasa goya,
n'bi k'í muso ye, ka taa so.
o mò, mò, mò !
kab'ò fòra nyénéma ye,

a ye nyama daa jira a la.
sabu ni b'one, noronkola,
nyenema y'i ko mone na,
nyama daa ji la joona,
a ko : ee, nyenema wula !
ntenen min nato ye, i ka na joona,
sabu ni b'one, noronkola,
ko ko fila bi dafa.
nka, n'ce ye donso farin ye de,
jine donso.

a yere ka jugu, nka ne b'a janfa,
ka t'e fe fo so yan fan.
nyenema nan'i kanto :
eee, kana n' negen.
a ko : n' n'ala ni kira ce,
n't'i naani, n't'i negen.
kab'o kera tuma min na,
jineke nalen fil'i korò,
o ko : un ! e miniyen wula ! jinemuso miniyen !
maaninfin sefila kasa be n'ka nyama daa konò.

sabu ni b'one, noronkola !
mun ye maaninfin se yannino ?
e, miniyen wula, i te sabali ?
kab'o kera tuma min na,
miniyen nan'i kan to :
eee, n'furu ni n'kanu wula,
n'sotigi ni n'kolontigi wula,
muso nege maa bo ce la,
ooo, a bi son kolon bee da i la.
mun ye maaninfin se yannino ?

n'o nalen be, ne m'o ye,
n'o nalen be, n'ti bo a kala ma.
eee, kana nkalon da n'na.
jineke nan'i kanto :
nin te baasi ye, a nyé na don wo.
ntenen sera tuma min na,
nyenema nalen fil'i korò.
ko ko fila bina dafa.
nyenema nan'i kanto :

eee, miniyán wula,

eee, miniyán wula,
jinémuso miniyán wula,
ooo, ne nalen fil'i kòrò.
miniyán nan'i kanto :
e nyénéma wula !
i tun t'a néménéménin fò !
oé in sòmína an na koyi,
a sòmína an fè koyi,
i tun t'a néménéménin fò dè .
i ko joona, i ko joona.

a ye kulusi bila joona,
ka duloki bila joona,
ka banfula bila joona,
a gérélen filé nyama daa fana na.
ko ko fila dafara.
ko jugu de bina dabò.
minnaalaminé ni kòngòlaminé ,
alamisa natò fil'i kòrò,
i ka na joona, o ye ko ko saba ye.
n'i ye ko ko saba sòrò nyama daa fana na,

jinéke tè se ka npórótótò k'i la.
sabu ni bònè, nòrònkola ,
an b'a janfa, n'bi k'i muso ye,
ka taa so yan fan.
jinéke nalen fil'i kòrò,
a k'èèè, kaba ko !
e miniyán wula ! i tè sabali wa !
maaninfin nalen bé yan bi koyi,
a kasa bé n'ka nyama daa la.
i tun ye sabali ?

sabu ni bònè, nòrònkola ,
jiné ni maaninfin, kelen t'a' ye.
sabu ni bònè, nòrònkola !
eee, miniyán kulola,
jinémuso miniyán kulola, f'a bi sigisigi :
eee, n'furu ni n'kanu wula !
n'furu ni n'kanu wula !

éee, kana sòn kolon da n'na,
kana sòn kolon da n'na.
mun bi maaninfin se yanninò ?

kana sòn kolon n'na.
muso nege maa bò cé la,
a bi sòn kolon bée d'a la.
éee, sabali !

nyénéma nan'i kanto :
sabu ni bônè, nòrònkola ,
ne tí taa so bilen koyi,
alamisa min fò 'n bè,
ne b'o bée ké kungo si la,
barisa n'kòròtò' n bè.

ni nyòon muso nyuman,
i k'i kalen ne ye manyaki,
jinémuso nyuman,
ké bí ké ne muso ye !
sabu ni bônè, nòrònkola !
ooo, hali ni ne bi sa o da la,
n'té fara o la bada.
eee, muso nyuman ka di donsow ye koyi,
f'u tulo bi ké korni kaako.
minnaalaminé ! e nyénéma wula !

e nyénéma wula !
alamisa sera tuma min na ,
nyénéma nalen fil'i kòrò.
ko jugu de bina dabò.
jiné donso !
ko jugu de bina dabò.
sabu ni bônè, nòrònkola ,
jiné donso !

minnaalaminé ni kóngòlaminé ,
nyénéma nalen fil'i kòrò.

jaa, o y'a sòrò, jiné donso,
sabu ni bônè, nòrònkola ?
o dén'n bè, o dén'n bè nyama daa kòrò ?

u t'ò si dòn fiyew,
jinémuso de t'ò si dòn.
nyénéma nalen fil'i kòrò.
a k'èe, miniyán wula !
ne ko e, miniyán wula !
wa, ne nana, ko ko saba ka dafa.
kab'ò kéra tuma min na ,

kab'ò kéra tuma min na ,
jinémuso nan'i kanto :
a ko : éee, nyéné wula !
kana kulusi bò bi koyi,
kana òlòkí bò bi dè,
ko bé bi la, ko jugu ba !
banfula bò tennintò.
i k'i bolo don nyama daa la,
i k'o jí kè k'i nyèda barala saalo.
o na bi ta nyé koyi.

ko ko saba dafara.
a ye nyama daa ta bawu,
k'a datugu ta bawu,
n'a y'i bolo su a la,
a y'a bolo sòori a la,
nyama daa jí la joona.
sabu ni bòné, nòrònkola ,
k'a nyèda barala saalo,
ka segin k'a don a la,
k'a nyèda barala saalo,

ka segin k'a don a la,
k'a nyèda barala saalo.



8 . KO JUGU DA BORA .

kab'o kera tuma min na ,
kab'o kera tuma min na ,
jinèkè nalen filè ten foori,
o y'i jò tun, a ko : éee, miniyan wula !
bataraden, e tè cè ko kè bi ta kò !
nyènèma tè muso ko kè bi ta kò.
a' y' a' niyòrò njala filè,
a' k'a' niyòrò tile filè.

don bée ye son ta ye, fo donnin kelen.
kakalakòròw , n'y'a miné bi dé.
e ko maaninfin ti se yanninò ,
jado muso kòrò !
i tè kakalaya kè bi ta kò dèrè.
kab'o kera tuma minna,
nyènèma yéréyérèla i ko ntilèku tama,
jaa, muso ka kegun dèrè.
nyèmunu bè muso fè :
kana boli, a b'o f'i ye.

kana taa, a b'o f'i ye.
i ka boli, a b'o bée f'i ye nyènèmunu fana na.
jinèmuso jòlen ntominin kòrò,
o ye nyènèma filè.
ji jiginnnen bè nyènèma kan jocna.
kab'o kera tuma min na ,
jinèkè ye binyè wòorò falen,
ka nyè wòorò falen,
ka da wòorò falen,
a bi nyènèma sònsiran

nyènèma yèrèyèrèla

jinémuso miníyan, o ye nyènèma filé,
k'a nyémunu bò, k'a kana siran fyewu,
k'a te s'a la fyewu .
kab'o kéra tuma min na ,
nyènèma yèrèyèrè jòra ciwu !
jinéké nan'í kanto :
e, nyènèma wula, e nyòonna bilakoronin !
e tè jinémuso si kanu nin kò.
nyènèma yèrèyèrèla.

jinémuso ye nyènèma filé,
o y'a nyémunu bò,
a k'a k'a fò a ma k'a yère bilakoronin.
kab'o kéra tuma min na ,
nyènèma nan'í kanto :
a ko : éee, e yère ye bilakoronin ye.
kab'o kéra tuma min na ,
ko jugu de bina dabò.
a ko : ni ne ye bilakoronin ye, wa, n'y'í kòró.
nyènèma ye wolomasiri kónómaya,

bolokóni duuru, kisédan gélén saba,
ka jinéké jòlen filé,
a y'í bolo bila ntómkòli la ,
jarakuru munumununa,
woro ye wolo tulon ké,
tulo ni kérébo kéléla,
nyébérébo céjugu wulila balawu !
a ye ta bila mumé na,
jala sirimanjan !
jinéké nan'í kanto :

a ko : éee, nyènèma wula !
e nyòonna bilakoronin,
marifa kunkolo suuli.
a y'a kunkolo suuli,
kiséw ko wólówólówòlò, bòli !
a k'olu mar'í fé, i ma kuwa.
an bi dóni fò, ka dóni t'an kónò.
a segira k'a kónómaya,

sabu ni bònè, nòrònkòla ,

kisèw ma bò marifa kònò fyewu .

nyénèma kònò ganna, a ma fèn goni dun.

nyénèma ye npalan wuguba,

a ka kunkanya sabanan,

a ye npalan wuguba.

bórènin dò bé yenninò,

kisèden dò b'ò kònò, jinéfaa kisè !

a y'ò bila marifa kan,

a ye jinékè jòlèn filè,

n'a y'i bolo bila ntònkòli la ,

jarakuru munumuna,

woro ye woloso tulon kè,

tulo ni kéré kèlèla,

nyébèrébo cèjugu wulila balawu !

sabu ni bònè, nòrònkòla ,

a ye ta bila mumé na,

jala siriman jan !

kisèw taara fòlòkò tigé jinékè ju furancé bagayi !

nka kisèw ma bin a kan fyewu ,

jinékè nan'i kanto :

a ko : eee, nyénèma wula !

e k'i jò dèré, i si banna, i ta tinyéna.

nyénèma tun bina boli,

jinémuso y'a filè, k'a nyémunu tigé,

k'a kana boli fyewu .

o ni sanu muru kèra nyòon na,

jinékè ni sanu muru kèra nyòon na,

a ye nyénèma sègéré.

a bolila biribiri,

ka taa a walon nyénèma kan.

sanu muru karila,

a ma se ka nyénèma don.

kab'ò kèra tuma min na ,

nyénèma nan'i kanto :

a ko : éee, an bè nyòon na sa dèrè !
i bataraden !
jaa, ne tun bi siran i nyé gansan.
ne bí nin muso in furu piya !
jinémuso !
sabu ni bònè, nòrònkola !

kunba gèlén kèlè ni daba gèlén kèlè.
a k'í jò ka n'kòndò sen in na.
a ye nyénéma sègèrè.
n'a y'í ngèrègèrèma,
ka n'a susu nyénéma kan.
sanu tama karila.
o karila tuma minna,
o ko : éee, cénin wo, j'í kuwara sa dèrè !
nka nin té baasi ye.

a ye jine npalan ta jona,
k'í bolo don o kòndò.
ntolo b'o kòndò, kuran de b'o ladege.
o ti gosi maa si la, n'í ma dinyè to.
ntolo tara tuma min na,
ntolo tara tuma min na,
jinémuso minnyan, a y'í nyé kònkòn bò,
a ye nyénéma filè, a ko : a !
boli sen in na koyi !
a y'o fò a nyémunu na.

n'í ma boli sen in na,
nin lakari té maa bolo.
kana sòn nin ka s'í ma dé !
n'a ko a b'a yèlén i kan,
i b'í cé pyew !
ni ntolo binna duguma,
i b'í suwaa a la katawu !
télé bugu nyèbèrè,
bilakoro fa tinyè,
lahara buguri biken,

a' bi masaran ka shò kè jì la,
bèe b'a nyini i ba naatiri la.
sagonsula ni nyénémaminé !


nyénéma y'a kunkolo kómi kómi,
a k'o té baasi ye.

kab'o kera tuma min na ,
jinéké ye nyénéma ségéré,
k'a bi ntolo jigin a kan,
nyénéma y'i cè pyew,
ntolo cira duguma.

nyénéma y'i suwaa a la karawa!
ko jugu de dabóra.
a bi nyénéma munumunu,
nyénéma bi jinéké munumunu.
u y'a ké haari ye.
jinéké bi nyénéma gufa,
nyénéma kumbere bina turu gogowu!
nyénéma bi jinéké gufa,
jinéké kumbere bina turu gogowu !
u kóni bi nyoon na,

nyoon tón tereke.
kab'o kera tuma nin na,
nyénéma ségennen fil'i kòrò.
nyénéma nan'i kanto :
a ko : éee, miniyan wula !
e ye ne nэгэн dэрэ !
jiné ni maa té kelen ye,
ka na ne bila i maké la jona,
k'e b'a janfa, k'i bi ké ne muso ye.
sagonsula ni nyénémaminé ,

tò dun té ne na bilen koyi.
n'i ma don n'ye, a bina n'faa fu.
e de ye ne nэгэн.
muso nyoon janfanci !
jinémuso bolilen fil'i kòrò,
ka taa jiné ké sen fila cé fuwawu!
nin k'o firi pi,
ka nyénéma sigi a balan.
u y'a tontan i ko kòlò,
nyénéma y'a tontan i ko kòlò,



ka jinéke tontan i ko kòlò.
sabu ni bònè, nòrònkola ,
jinéke satò, o nan'i kanto :
sabu ni bònè, nòrònkola ,
ala ma a y'i yèrè janfa,
jinémuso nan'i kanto :
i t'i bò an kòrò wa,
i ka wulu kolon saya k'i dama na.

ne bi furu nyénèma ma caba!
nyénèma ye miniyar furu, jinémuso miniyar.
u nalen fil'i kòrò so yanfan.

9 . JINE NI SINAYA .

u nana tuma min na ,
ntènen su ni alamisa su,
o tun y'a ka so si don ye.
a' l'a wètè dinyè maa :
masonincinin nan'i kanto :
e, kóoso wula, a' l'a wètè dinyè maa :
ntènen o ntènen,

alamisa o alamisa,
a' l'a wètè dinyè maa :
anw cé bé kungotaa la.
a bi so si k'e fè wa ?
a ko : a ti so si ké ne fè foyi.
a ko : a ! ne n'a si don bi dèrè.
ko jugu de bina dabò.
o y'a sòrò jinémuso fana bé césonin na .
kab'o kéra tuma min na ,
alamisa su sera tuma min na ,

masonincinin y'i dèn ka taa céso. la.
o taara a sòrò u bi maana,
nyénéma ni jinémuso bi maana.
masonincinin donnen fil'i kòrò.
a ko : eee, jadò wula, jadò kamalen !
alamisa su o alamisa su,
e k'i ye donso ye,
jaa, e bé kakalaya la.
e, nyénéma, mòròlò !
nk'a maa ké muso o muso ye,

n'na kakalaya suma ci o nun na bi dèrè .

ne musonincinin tē wa ?
kab'o kēra tuma min na ,
musonin cinin donnen fil'i kōrō cēsonin kōnō .
a y'a sōrō jinēmuso sigi'n bē kēlēw u ,
a y'a mōmō, jinēmuso nōorō,
o tun y'u ka fitinē ye.
a y'a nōoro dunga,
musonincinin ye dibi mōmō,
ka taa se jinēmuso sigilen ma,

jinēmuso miniyān,
n'a y'a tulo kōrō ju mōmō,
n'a ko rjama ! rjamaki !

sabu ni bōnē, nōrōnkola !
fo ka jinēmuso keleku.
jinēmuso nan'i kanto :
a ko : eee, nyēnēma wula !
nin tē baasi ye.
ne ye n'cē janfa, ka n'e fē so yanfan.
e yéré ye ne janfa,

ka n'i musonincinin . bila n'na,
k'o ka n'bugò.
anw tē sinaya sidōn.
a'l'a wētē-dinyé maa :
nka n'i y'a ye a bi n'bugò,
a nyé tē n'na fūwū, siri b'an cē,
dibi donnen bē.
na n'ka n'yéré jira a la dōoni.
kab'o kēra tuma minna,
a ye nōorō in na tenninō manyaki !

ka siri fara fuan,
k'a bō a ni musonincinin cē.
kab'o kēra tuma min na ,
musonincinin yelele bēlélélélé !
kab'o kēra tuma min na ,
a ye musonincinin kē nyōon kan,
a ko : n'filé kosébé dé.
muso kan'i ni muso kēnyé, n'a'a man kan.
i sina ti ne ye koyi, i ma n'ye.

musonincinin nan'i kanto :

a ko : eee, kana fèn wéré kè n'na,
n'ye cé haramu, n'y'a to i ye.
an fila de bè nyénéma kun,
ne kòròmuso bè yenninò,
an bée tun b'i kòrófò.
n'i ma ne to tennintò,
o tina sòrò koyi.

jaa, o y'a sòrò o dèn'n bè,
o tulò b'u ka jému bée la.
o-bolilen fil'i kòrò, nyaalen bolila,

ka t'i sigi kéléwu a ka so kònò.
a ko : pa ! nin na to cé koba in na wo.
a bi na ne négèn sa,
mannaalaminé ni kòngòlaminé ,
ne ka kegun e ye wo.
kab'o kéra tuma min na ,
kunba gèlèn kélé ni daba gèlèn kélé,
a ko : é, musonincinin . wula !
fo n'ka fila k'i la.
a segira ka kuran sigi a kan,

a jara kònkòlòn !
a segira k'a nyénémaya.
jiné ma nyi, jiné ma nyi,
jinémuso miniyan !
kab'o kéra tuma min na ,
musonincinin bolilen fil'i kòrò biribiribiri !
a ko : eee, kóoso wula !
e ka na maké ka césnin kònò,
ko duman dò bè yenninò,
i ka taa a filé.

muso kòróba nan'i kan to :
a ko : eee, musonincinin wula !
e té naloma ye wa,
a bé n'nyéna e yelela,
a bé n'nyéna e jara,
bataraden, ne y'a f'i ye wo,

n'ko cé ko suma na cí i nun na npó !
ne ti taa dé.

kab'o kéra tuma min na ,
ooo, jinémuso ye demèn pérén pa !

miniyan bolen fil'i kòró,
a ko : e nyénéma wula,
fo ka taa dinyé ban, n'ti k'i muso ye tun.
ka na ne bugò,
ne ma bugò n'so tigi tile la.
e ka na muso bila n'na,
maaninfin sen fila, o ka ne bugò !
ooo, n'taara !
a y'a bolo da dénén na,
dénén pérénna pa !

jinémuso miniyan bóra paraki !
kab'o kéra tuma min na ,
nyénéma yéré kuwara kongosoko !
kab'o kéra tuma min na ,
nyénéma yéré kuwara kongosoko !
kab'o kéra tuma min na ,
nyénéma y'i bolo da dénén na,
dénén pérénna pa !
nyénéma yéré bóra puluki !
a y'a nófèla taama,
a ye jinémuso magén,
marifa b'a bolo,

jinéfaa kisé, o b'a bolo.
a ko : eee, miniyan wula !
an ka segin joona.

miniyan nan'i kan to :
a ko : n'ti segin fyewu .
a ko : an ka segin.
a ko : n'ti segin fyewu .
nyénéma nan'i kanto :
n'ye min k'i cé là, o bór'i kónó ?
a ko : eee, n'té n'cé filanan ye,

n'ti segin fyewu .
 e nyoonna janfanci !
 ne maké bé lahara,
 a tigera n'na koyi.
 ne maké tora janfa la,
 nka ne yéré bi to janfa la,
 nka ne yéré bi to janfa la.
 kab'o kéra tuma min na ,
 nyénéma bolilen fil'i kòró,
 nin ka taa a nyé yanfan ,
 ka taa marifa jò a sinbara fila ni nyoon cé.

a ko : an ka segin joona.
 a ko : n'ti segin fyewu .
 kab'o kéra tuma min na ,
 a y'i bolo bila ntónnkòlì la,
 jarakuru munumununa,
 worow ye woloso tulon ké,
 tulo ni kérébo kéléla,
 nyéòrèbo céjugu wulila balawu !
 ne nyé m'a ye,
 n'tulo m'a mén.

kiséw ko woyiyo, an b'i dun !
 n'ka kiséw taara ba yanfan .
 woyiyo, kiséw ko woyi, an b'i dun !
 iyeee, donsow wula !
 hawuru nama, buran-fana-donso !
 k'a sin bara fila jénsén,
 ka taa fólòkò tigé
 jinémuso kò yan fan bagayi !
 k'a yégén i ko taaran.

nyénéma y'a tontan, i ko kòlò.

ni k'a kónò fara.
 sabu ni bònè, nòrònkola ,
 k'a sin bara tigé fuwòwu !
 k'o bila a cé bonsi kan o ka npalan kónò.
 ka sanu taafe foni,
 ka sanu musòrò foni,
 ka wari taafe foni,

ka wari musòró foní.
hawuru nama, buranfana-donso !
sabu ni bònè, nòrònkòlà !

nyénéma nalen fil'í kórò so yanfan ,
éé, ka n'a musow féérébò biribara.
nyénéma nyòon ma da donso la,
wa, a nyòon tẹ̀ ẹ̀ ẹ̀ tun.
sabu ni bònè, nòrònkòlà ,
kunba cibaa, daba farabaa.
éé, maana banna,
nyénéma ka maana banna.
sogow ye mun k'í la ?

